

Communicaziun da medias

In studio nov per la Televisiun Rumantscha

Cuira, 19.01.2015 – **Davent dals 19 da schaner 2015 emetta RTR Radiotelevisiun Svizra Rumantscha ord in studio nov. La tecnica e la grafica dal studio modernisà correspundan a las pretensiuns dad oz.**



Il moderatur da l'emissiun Telesguard (da sanester) Otmar Seiler, Chatrina Josty ed Isabella Wieland en il nov studio. (sin la fotografia manca Maria Victoria Haas)

Cler, avert e modern: uschia sa preschenta il studio da televisiun nov da RTR. Diesch moniturs mussan graficas, videos u porschan la pussaivladad da laschar vegnir a pled correspundents che rapportan direct dal lieu d'acziun. Il pult da moderaziun modern s'adattescha a las emissions e porscha lieu a fin sis partenaris da discussiun.

Il moniturs dattan a las differentas emissions da la Televisiun Rumantscha, sco Telesguard, Cuntrasts e Minisguard, mintgamai in'atgna culissa. Il studio nov po era vegnir duvrà per produziuns virtualas. Cun la tecnica moderna è RTR preparà per l'avegnir.

Il concept dal nov studio è vegnì elavurà da la partiziun concepziun da SRF/tpc en collavuraziun cun RTR. Il responsabel per il design dal set è Tomi Bricchi, architect scenic da Turitg.

Las emissions da la Televisiun Rumantscha:

Telesguard: glindesdi – venderdi, a las 17:40 sin SRF 1

Minisguard: sonda, a las 17:40 sin SRF 1

Cuntrasts: dumengia, a las 17:25 sin SRF 1

Ubain adina e da mintga temp sin: www.rtr.ch/play

Dapli infurmaziuns:

RTR Radiotelevisiun Svizra Rumantscha

Tamara Deflorin | tel. 081 255 75 09 | e-mail tamara.deflorin@rtr.ch